

Inzko: Sada je pravo vrijeme za ulaganje u BiH



“Sada je pravo vrijeme za ulaganje u BiH”, rekao je danas visoki predstavnik Valentin Inzko tijekom svog obraćanja na konferenciji “Vizija za Bosnu i Hercegovinu 2020. godine: Poboljšanje poslovne klime”, koja se održava u Beču. Ovu konferenciju su organizirali Fakultet za napredne međunarodne studije Univerziteta “Johns Hopkins”, bečka Diplomatska akademija, Fondacija “Amerika-Bosna” i Centar za transatlantske odnose.

“Nesporno je da postoje politički izazovi. Ali šanse za ulaganja i prednosti koje ova zemlja nudi su daleko veće od kratkoročnih teškoća koje još uvijek postoje u poslovnom okruženju”, rekao je visoki predstavnik i dodao da je, ipak, još uvijek potrebno uraditi dosta posla.

“Ne radi se samo o unapređenju procesa reformi i njegovog opsega i dubine. Potrebno je ubrzati i tempo provedbe reformi. Na taj način će se postići prepoznatljiv zamah, a investitori žele vidjeti takvu vrstu impulsa. Dinamika ovoga procesa mora biti konkretna i prepoznatljiva”, zaključio je visoki predstavnik Inzko.